

## SCORZONERA CORONOPIFOLIA. Tab. 212.

SCORZONERA foliis pinnatifido-laciniatis, pubescentibus; caule subnudo, simplici, unifloro.

Scorzonera brevicaulis; foliis integris pinnatifidisque; caule tomentoso, subaphyllo, unifloro. *Vahl. Symb. 2. p. 88. t. 44.*

RADIX fusiformis, crassitie minimi digiti, aut pollicis. Caulis simplex, erectus, striatus, 1—2 decimetr., nudus aut foliis paucis inferne vestitus, uniflorus. Folia pubescentia, acuta, pinnatifida, medio latiora, caule plerumque breviora, decumbentia. Pinnulæ lineares, acutæ, inæquales, remotiusculæ, integerrimæ aut laciniatæ. Petioli canaliculati, striati, basi dilatati. Calyx ovato-oblongus, imbricatus squamis margine sæpe tomentosis; exterioribus ovatis; interioribus lanceolatis, longioribus, utrinque membranaceis. Corolla semifloscula; diametro 5 centimetr. Ligulæ hermaphroditæ omnes, luteæ, apice denticulatæ, calyce duplo fere longiores. Stamina 5. Antheræ fuscæ. Stylus 1. Stigmata 2, revoluta. Semen 2 centimetr. longum, teres, asperum. Pappus sessilis, multisetosus; setibus inæqualibus, araneosis. Receptaculum nudum, convexum.

HABITAT in montibus.  $\zeta$

## P I C R I D I U M.

CALYX inferne ventricosus, imbricatus squamis latiusculis, margine membranaceis. Flores semiflosculosi omnes hermaphroditi. Pappus sessilis, villosus, simplex. Semina tetragona, transversim tuberculosa. Pedunculi superne turbinati, fistulosi.

## P I C R I D I U M T I N G I T A N U M.

SCORZONERA foliis omnibus runcinatis, amplexicaulibus. *Lin. Spec. 1114.*

*Sonchus tingitanus Papaveris folio. T. Inst. 475.*

*Crepis tingitana Papaveris folio. Vail. Acad. 1721. p. 196.*

*Chondrilla tingitana, floribus luteis, Papaveris hortensis folio. Hort. Lugdb. 659. Ic. flores longe minores representans.*